

# 往生論解

## 往生論註序

生死吾人第一大事也。淨土法門了生死無上妙法也。一代時教浩若淵海。其究竟暢佛普度衆生之本懷者。唯淨土一法而已。以下凡信願念佛。即可帶業往生。上聖若肯回向。速得圓成覺道。仗佛慈力與唯仗自力。其難易固日劫相倍。天親菩薩廣造諸論。宏闡佛乘。復示無量壽經作願生偈。示五門修法令畢竟得生。具願禮拜讚歎作願觀察回向之法。於觀察門詳示淨土莊嚴如來法力。菩薩功德。凡見聞者悉願往生。彙鑒法師撰註詳釋。直將彌陀誓願天親衷懷徹底。圓彰和盤托出。若非深得佛心。具無礙辯。何克臻此。夫淨土一法爲一切諸法之所歸趣。以故華嚴證齊諸佛之等覺菩薩。尚須以十大願王回向往生。則文殊普賢。馬鳴龍樹智者。慈恩清涼永明等自行化他。同歸淨土者有由來矣。知此則唯執自力不仗佛力者。可以恍然驚悟。然悟以期現生卽得出此娑婆生後極樂。與觀音勢至等諸上善人俱會一處。當時親炙阿彌陀佛。以証無生忍。圓滿菩提而後已也。吾言不足。信請質之。音

賢菩薩自可無疑矣。民國十一年壬戌五月望日常慚愧僧釋印光謹撰。

蕡益大師所選淨土十要實爲淨宗最要之妙典。成時大師欲爲廣布特節略之。致使有文義晦。稍拂初機之處。因搜羅原本。特爲排印。仍作四冊。以卷有薄者。遂取古德宏揚淨土之要文附之。如帝網珠。互相輝映。誠爲淨宗一大快事。藉以天親菩薩往生論淨宗之要典也。世罕流通。臺鸞法師之註文暢達而義深。洵足開人正智。起人正信。乃淨業學人之大導師。惜中國久已失傳。清末楊仁山居士講於東瀛。刻以流通。因論註相聯。初機殊難分判。乃逐段標出。令徐蔚如居士刻於北京。今擬將此書。并蓮華世界詩。合作一冊。以作淨土十要之附本。冀與十要并傳於世。庶可燁燄火宅。常被於燒之同倫。知此宅之外。原有最極清淨安隱之家鄉。從茲當仁不讓。賈勇先登。同出五濁。同登九品。同預蓮池。會同侍無量壽佛。以彰證夫無生法忍。與無上菩提。得以上不孤於佛化。下不負於己靈。方可名爲真大丈夫也。已民國二十一年壬申季春。釋印光識。

### 無量壽經優婆提舍願生偈此卷依東禪別本

娑敷榮頭菩薩造 元魏菩提留支譯

世尊我一心	歸命盡十方	無礙光如來	願生安樂國	我依修多羅
真實功德相	說願偈總持	與佛教相應	觀彼世界相	勝過三界道
究竟如虛空	廣大無邊際	正道大慈悲	出世善根生	淨光明滿足
如鏡日月輪	備諸珍寶性	具足妙莊嚴	無垢光燄熾	明淨曜世間
寶性功德草	柔軟左右旋	觸者生勝樂	遍迦旃鄰陀	寶華千萬種
彌覆池流泉	微風動華葉	交錯光亂轉	宮殿諸樓閣	觀十方無礙
雜樹果光色	寶欄偏圍繞	無量寶交絡	羅網偏虛空	種種鈴發聲
宣吐妙法音	雨華衣莊嚴	無量香普熏	佛慧明淨日	除世癡闇冥
梵聲悟深遠	微妙聞十方	正覺阿彌陀	法王善住持	如來淨華衆
正覺華化生	愛樂佛法味	禪二昧爲食	永離身心惱	受樂常無間

大乘善根界。	等無謾嫌名。	女人及根缺。	一乘種不生。	衆生所願樂。
一切能滿足。	是故願生彼。	阿彌陀佛國。	無量大寶王。	微妙淨華臺。
相好光一尋。	色像超羣生。	如來微妙聲。	梵聲聞十方。	同地水火風。
虛空無分別。	天人不動衆。	清淨智海生。	如須彌山王。	勝妙無過者。
天人丈夫衆。	恭敬饒瞻仰。	觀佛本願力。	遇無空過者。	能令速滿足。
功德大寶海。	安樂國清淨。	常轉無垢輪。	化佛菩薩日。	如須彌住持。
無垢莊嚴光。	一念及一時。	普照諸佛會。	利益諸羣生。	雨天榮華衣。
妙香等供養。	讚諸佛功德。	無有分別心。	何等世界無。	佛法功德寶。
我願皆往生。	示佛法如佛。	我作論說偈。	願見彌陀佛。	普共諸衆生。
往生安樂國。				

無量壽修多羅章句。我以偈頌總說竟。

論曰此願偈明何議。示現觀彼安樂世界。見阿彌陀佛。願生彼國故云何觀云何生。

信心若善男子善女人修五念門行成就畢竟得生安樂國土見彼阿彌陀佛。何等五念門。一者禮拜門。二者讚歎門。三者作願門。四者觀察門。五者迴向門。云何禮拜。身業禮拜阿彌陀如來應正福知爲生彼國意故云何讚歎口業讚歎稱彼如來名。如彼如來光明智相如彼名義欲如實修行相應故云何作願心常作願一心專念畢竟往生安樂國土欲如實修行奢摩他故云何觀察智慧觀察正念觀彼欲如實修行毗婆舍那故彼觀察有二種何等二種。一者觀察彼佛國土莊嚴功德。二者觀察阿彌陀佛莊嚴功德。二者觀察彼諸菩薩莊嚴功德云何迴向不捨一切苦惱衆生心常作願迴向爲首得成就大悲心故云何觀察彼佛國土莊嚴功德。彼佛國土莊嚴功德者成就不可思議力故如彼摩尼如意寶性相似相對故觀察彼佛國土莊嚴功德成就者有十七種應知何等十七。一者莊嚴清淨功德成就。二者莊嚴量功德成就。二者莊嚴性功德成就。四者莊嚴形相功德成就。五者莊嚴種種事功德成就。六者莊嚴妙色功德成就。七者莊

嚴觸功德成就八者莊嚴三種功德成就九者莊嚴兩功德成就十者莊嚴光明功德成就十一者莊嚴妙聲功德成就十二者莊嚴王功德成就十三者莊嚴眷屬功德成就十四者莊嚴受用功德成就十五者莊嚴無諸難功德成就十六者莊嚴大義門功德成就十七者莊嚴一切所求滿足功德成就莊嚴清淨功德成就者偈言觀彼世界相勝過三界道故莊嚴量功德成就者偈言究竟如虛空廣大無邊際故莊嚴性功德成就者偈言正道大慈悲出世善根生故莊嚴形相功德成就者偈言淨光明滿足如鏡日月輪故莊嚴種種事功德成就者偈言備諸珍寶性具足妙莊嚴故莊嚴妙色功德成就者偈言無垢光燦熾明淨曜世間故莊嚴觸功德成就者偈言寶性功德草木軟左右旋觸者生勝樂過迦旃鄰陀故莊嚴三種功德成就者有二種事應知何等二種一者水二者地三者虛空莊嚴水功德成就者偈言寶華千萬種彌覆池流泉微風動華葉交錯光亂轉故莊嚴地功德成就者偈言宮殿諸樓閣觀十方無礙雜樹果光色寶欄偏圍繞故莊嚴虛空功德成就者偈言無量寶

文絡羅網偏虛空種種鉢發瑩宣吐妙法音故莊嚴兩功德成就者偈言兩華衣莊嚴無量香普熏故莊嚴光明功德成就者偈言佛慧明淨日除世穢闇冥故莊嚴妙聲功德成就者偈言梵聲恬深遠微妙聞十方故莊嚴王功德成就者偈言正覺阿彌陀法王善住持故莊嚴眷屬功德成就者偈言如來淨華衆正覺華化生故莊嚴受用功德成就者偈言愛樂佛法味禪二昧爲食故莊嚴無諸難功德成就者偈言永離身心惱受樂常無間故莊嚴大義門功德成就者偈言大乘善根界等無譏嫌名女人及根缺二乘種不生故淨土果報離二種譏嫌過應知一者體二者名體有三種二者二乘人二者女人二者諸根不具人無此二過故名離體譏嫌名亦三種非但無二體乃至不聞二乘女人諸根不具三種名故名離名譏嫌等者平等一相故莊嚴一切所求滿足功德成就者偈言衆生所願樂一切能滿足故略說彼阿彌陀佛國土十七種莊嚴功德成就示現如來自身利益大功德力成就利益他功德成就故彼無量壽佛國土莊嚴第一義諦妙境界相十六句及一句次第說應知

云何觀佛莊嚴功德成就。觀佛莊嚴功德成就者有八種相應知。何等八種。一者莊嚴座功德成就。二者莊嚴身業功德成就。三者莊嚴口業功德成就。四者莊嚴心業功德成就。五者莊嚴大衆功德成就。六者莊嚴上首功德成就。七者莊嚴主功德成就。八者莊嚴不虛作住持功德成就。何者莊嚴座功德成就。偈言無量大寶王微妙淨華臺故。何者莊嚴身業功德成就。偈言相好光一尋色像超羣生故。何者莊嚴口業功德成就。偈言如來微妙聲梵響聞十方故。何者莊嚴心業功德成就。偈言同地水火風虛空無分別故。無分別者無分別心故。何者莊嚴大衆功德成就。偈言天人不動衆清淨智海生故。何者莊嚴上首功德成就。偈言如須彌山王勝妙無過者故。何者莊嚴主功德成就。偈言天人丈夫衆恭敬繞瞻仰故。何者莊嚴不虛作住持功德成就。偈言觀佛本願力遇無空過者能令速滿足功德大寶海故。卽見彼佛未證淨心菩薩畢竟得證平等法身與淨心菩薩與上地諸菩薩畢竟同得寂滅平等故。略說八句示現如來自利利他功德莊嚴次第成就應知。

云何觀察菩薩莊嚴功德成就。觀察菩薩莊嚴功德成就者觀彼菩薩有四種正修行功德成就應知。何者爲四。一者於一佛土身不動搖而徧十方種種應化如實修行常作佛事。偈言安樂國清淨常轉無垢輪化佛菩薩日如須彌住持故開諸衆生淤泥華故。二者彼應化身一切時不前不後一心一念放大光明悉能徧至十方世界教化衆生種種方便修行所作滅除一切衆生苦故。偈言無垢莊嚴光一念及一時普照諸佛會利益諸羣生故。三者彼於一切世界無餘照諸佛會大衆無餘廣大無量供養恭敬讚歎諸佛如來功德偈言兩天樂華衣妙香等供養讚諸佛功德無有分別心故。四者彼於十方一切世界無二寶處住持莊嚴佛法僧寶功德大海徧示令解如實修行偈言何等世界無佛法功德寶我願皆往生示佛法如佛故。又向說觀察莊嚴佛土功德成就。莊嚴佛功德成就。莊嚴菩薩功德成就。此三種成就願心莊嚴應知。略說入一法句故。一法句者謂清淨句。清淨句者謂真實智慧無爲法身故。此清淨有一種應知。何等二種。一者器世間清淨。二者衆生世間清淨。器

世間清淨者如向說十七種莊嚴佛土功德成就是名器世間清淨衆生世間清淨者如向說八種莊嚴佛功德成就四種莊嚴菩薩功德成就是名衆生世間清淨如是一法句攝一種清淨義應知。

如是菩薩奢摩他毗婆舍那廣略修行成就柔軟心如實知廣略諸法如是成就巧方便迴向何者菩薩巧方便迴向菩薩巧方便迴向者謂說禮拜等五種修行所集一切功德善根不求自身住持之樂欲拔一切衆生苦故作願攝取一切衆生共同生彼安樂佛國是名菩薩巧方便迴向成就菩薩如是善知迴向成就卽能遠離二種菩提門相違法何等二種一者依智慧門不求自樂遠離我心貪著自身故二者依慈悲門拔一切衆生苦遠離無安衆生心故二者依方便門攝取一切衆生心遠離供養恭敬自身心故是名遠離二種菩提門相違法菩薩遠離如是二種菩提門相違法得二種隨順菩提門法滿足故何等二種一者無染清淨心以不爲自身求諸樂故二者安清淨心以拔一切衆生苦故二者樂清淨心以令一切衆生得大善

提故以攝取衆生生彼國土故是名二種隨順菩提門法滿足應知向說智慧慈悲方便二種門攝取般若般若攝取方便應知向說遠離我心不貪著自身遠離無安衆生心遠離供養恭敬自身心此二種法遠離障菩提心應知向說無染清淨心安清淨心樂清淨心此二種心略一處成就妙樂勝真心應知如是菩薩智慧心方便心無障心勝真心能生清淨佛國土應知是名菩薩摩訶薩隨順五種法門所作隨意自在成就如向所說身業口業意業智業方便智業隨順法門故

復有五種門漸次成就五種功德應知何者五門一者近門二者大會衆門三者宅門四者屋門五者園林遊戲地門此五種門初四種門成就入功德第五門成就出功德入第一門者以禮拜阿彌陀佛爲生彼國故得生安樂世界是名人第一門入第二門者以讚歎阿彌陀佛隨順名義稱如來名依如來光明智相修行故得入大會衆數是名人第二門入第二門者以一心專念作願生彼修奢摩他寂靜三昧行故得入蓮華藏世界是名人第二門入第四門者以專念觀察彼妙莊嚴修毗婆舍

那故得到彼處受用種種法味樂是名入第四門出第五門者以大慈悲觀察一切苦惱衆生示應化身迴入生死園煩惱林中遊戲神通至教化地以本願力迴向故是名出第五門菩薩入四種門自利行成就應知菩薩出第五門迴向利益他行成就應知菩薩如是修五門行自利利他速得成就阿耨多羅二藐三菩提故無量壽修多羅優婆提舍願生偈略解義竟。  
無量壽經優婆提舍願生偈

## 無量壽經優婆提舍願生偈註卷上

婆藪梨頭菩薩造

魏永寧寺北天竺沙門菩提流支譯論

魏西河石壁谷玄中寺沙門曇鸞註解

謹案龍樹菩薩十住毗婆沙云菩薩求阿毗跋致有二種道一者難行道二者易行道難行道者謂於五濁之世於無佛時求阿毗跋致爲難此難乃有多途譬言五三以示義意一者外道相反營善亂菩薩法二者聲聞自利障大慈悲二者無賴惡人破他勝德四者顛倒善果能壞發行五者唯是自力無他力持如斯等事觸目皆是譬如陸路步行則苦易行道者謂但以信佛因緣願生淨土乘佛願力便得往生彼清淨土佛力住持卽入大乘正定之聚正定卽是阿毗跋致譬如水路乘船則樂此無量壽經優婆提舍蓋上衍之極致不退之風航者也無量壽是安樂淨土如來別號釋迦牟尼佛在王舍城及舍衛國於大衆之中說無量壽佛莊嚴功德卽以佛名號爲經體後聖者婆藪梨頭菩薩服膺一升如來大悲之教

傍經作願生偈復造長行重釋梵言優婆提舍此間無正名相譯若舉一隅可名爲論所以無正名譯者以此間本無佛故如此間書就孔子而稱經餘人製作皆名爲子國史國紀之徒名別體例然佛所說十二部經中有論議經名優婆提舍若復佛諸弟子解佛經教與佛義相應者佛亦許名優婆提舍以入佛法相故此間云論直是論議而已豈得正譯彼名耶又如女人於子稱母於兄云妹如是等事皆隨義各別若但以女名汎譯母妹乃不失女之大體豈含尊卑之義乎此所云論亦復如是以仍蒸反存梵音曰優婆提舍此論始終凡有二重一是總說分二是解義分總說分者前五言偈盡是解義分者論曰已下長行盡是所以爲二重者有一義偈以頌經爲總攝故論以釋偈爲解義故無量壽者言無量壽如來壽命長遠不可思量也經者常也言安樂國土佛及菩薩清淨莊嚴功德國土清淨莊嚴功德能與衆生作大利益可常行於世故名曰經優婆提舍是佛論議經名願是欲樂義生者天親菩薩願生彼安樂淨土如來淨華中生故曰願生偈

是句數義以五言句略頌佛經故名爲偈譯婆教云大譯檠頭言親此人字天親事在付法藏經菩薩者若具有梵音應言菩提薩埵菩提者是佛道名薩埵或云衆生或云勇健求佛道衆生有勇健志故名菩提薩埵今但言菩薩譯者略耳造亦作也庶因人重法故云某造是故言無量壽經優婆提舍願生偈婆教檠頭菩薩造解論名目竟

△偈中分爲五念門如下長行所釋第一行四句偈含有二念門上二句是禮拜讚歎門下一句是作願門第二行論主自述我依佛經造論與佛教相應所服有宗何故云此爲成優婆提舍名故亦是成上二門起下二門所以次之說從第二行盡二十三行是觀察門末後一行是迴向門分偈章門竟

世尊我一心 彙命盡十方 無礙光如來 莫生安樂國

世尊者諸佛通號論智則義無不達語斷則智氣無餘智斷具足能利世間爲世尊重故曰世尊此言意歸釋迦如來何以得知下句言我依修多羅天親菩薩在

釋迦如來像法之中順釋迦如來經教所以願生願生有宗故知此言歸於釋迦。若謂此意偏告諸佛亦復無嫌夫菩薩歸佛如孝子之歸父母忠臣之歸君后動靜非己出沒必由知恩報德理宜先啓又所願不輕若如來不加威神將何以達乞加神力所以仰告我一心者天親菩薩自督之詞言念無礙光如來願生安樂心心相續無他想問雜問曰佛法中無我此中何以稱我答曰言我有二根本一是邪見語二是自大語三是流布語今言我者天親菩薩自指之言用流布語非邪見自大也歸命盡十方無礙光如來者歸命即是禮拜門盡十方無礙光如來即是讚歎門何以知歸命是禮拜龍樹菩薩造阿彌陀如來讚中或言稽首禮或言我歸命或言歸命禮此論長行中亦言修五念門五念門中禮拜是一天親菩薩既願往生豈容不禮故知歸命即是禮拜然禮拜但是恭敬不必歸命歸命必是禮拜若以此推歸命為重偈申己心宜言歸命論解偈義汎談禮拜彼此相成於義彌顯何以知盡十方無礙光如來是讚歎門下長行中言云何讚歎門謂稱

彼如來名如彼如來光明智相如彼名義欲如實修行相應故依舍衛國所說無量壽經佛解阿彌陀如來名號何故號阿彌陀彼佛光明無量照十方國無所障礙是故號阿彌陀又彼佛壽命及其人民無量無邊阿僧祇劫故名阿彌陀問曰若言無礙光如來光明無量照十方國土無所障礙者此間衆生何以不蒙光照光有所不照豈非有礙耶答曰礙屬衆生非光礙也譬如日光周四大天下而盲者不見非日光不周也亦如密雲洪渥溝反而頑石不潤非雨不洽恰反也若言一佛主領二千大千世界是聲聞論中說若言諸佛偏領十方無量無邊世界是大乘論中說天親菩薩今言盡十方無礙光如來即是依彼如來名如彼如來光明智相讚歎故知此句是讚歎門願生安樂國者此一句是作願門天親菩薩歸命之意也其安樂義具在下觀察門中問曰大乘經論中處處說衆生畢竟無生如虛空云何天親菩薩言願生耶答曰說衆生無生如虛空有一種二者如凡夫所謂實衆生如凡夫所見實生死此所見事畢竟無所有如龜毛如虛空二者謂諸

淨因緣生故。即是不生無所有如虛空天親菩薩所願生者是因緣義因緣義故假名生。非如凡夫謂有實衆生實生死也。問曰依何義說往生答曰於此間假名人中修五念門前念與後念作因緣土假名人淨土假名人不得決定一不得決定異前心後心亦復如是何以故著一則無因果若異則非相續是義觀一果門論中委曲釋第一行三念門竟。

△次成優婆提舍名又成上起下偈。

我依修多羅 真實功德相 說願俱總持 與佛教相應。

此一行云何成優婆提舍名云何成上三門起下一門偈言我依修多羅與佛教相應修多羅是佛經名我論佛經義與經相應以入佛法相故得名優婆提舍名威竟成上三門起下一門何所依何故依云何依何所依者依修多羅何故依者以如來卽真實功德相故云何依者修五念門相應故成上起下竟修多羅者十一部經中直說者名修多羅謂四阿含二藏等二藏外大乘諸經亦名修多羅此

中言依修多羅者是二藏外大乘修多羅非阿含等經也真實功德相者有一種功德一者從有漏心生不順法性所謂凡夫人天諸善人天果報若因若果皆是顛倒皆是虛偽是故名不實功德二者從菩薩智慧清淨業起莊嚴佛事依法性入清淨相是法不顛倒不虛偽名爲真實功德云何不顛倒依法性順二諦故云何不虛偽攝衆生入畢竟淨故說願俱總持與佛教相應者持名不散不失總名以少攝多偈言五言句數願名欲樂往生說謂說諸偈論總而言之說所願生偈總持佛經與佛教相應相應者譬如函蓋相稱也。

觀彼世界相 勝過三界道。

此已下是第四觀察門此門中分爲二別一者觀察器世間莊嚴成就二者觀察衆生世間莊嚴成就此句已下至願生彼阿彌陀佛國是觀察器世間莊嚴成就觀察器世間中復分爲十七別至文當目此一句即是第一事名爲觀察莊嚴清淨功德成就此清淨是總相佛本所以起此莊嚴清淨功德者見三界是虛偽相是輪

轉相是無窮相。如蚊子。蟻。一郭反。循環如蠶。才合。繭參反。自縛哀哉衆生。繩不解。希。此二界顛倒不淨。欲置衆生於不虛偽處。於不輪轉處。於不無窮處。得畢竟安樂大清淨處。是故起此清淨莊嚴功德也。成就者言。此清淨不可破壞。不可汙染。非如二界是汙染相。是破壞相也。觀者觀察。也彼者。彼安樂國也。世界相者。彼安樂世界清淨相也。其相別在下。勝過二界道。道者通也。以如此因得如此果。以如此果酬如此因。通因至果。通果酬因。故名爲道。二界者。一是欲界。所謂六欲天。四天下人畜生。餓鬼。地獄等是也。二是色界。所謂初禪。二禪。三禪。四禪天等是也。三是無色界。所謂空處。識處。無所有處。非想非非想處。天等是也。此三界。蓋是生死凡夫流轉之間宅。雖復苦樂小殊。修短暫。而觀之。莫非有漏倚伏。相乘循環。無際難生觸受。四倒長拘。且因日果虛偽相。襲安樂是。菩薩慈悲正觀之。由生如來神力。本願之所建。胎卵溼生。緣茲高揖。業繫長難。從此永斷纏括之權。不待勸而彎弓。勞謙善讓。齊普賢而同德。勝過二界。抑是近言。

### 究竟如虛空。廣大無邊際。

此一句。名莊嚴量功德成就。佛本所以起此莊嚴量功德者。見二界狹。甲。小墮或敗。城反。陁。山絕。坎。陪重。土。一曰。陁。如堵者。堵。丘之。堵反。或宮觀追惟。追子。格。或土田逼隘。隘。反。或志求路促。或山河隔。塞。公。障。或國界分部。有如此等種種拘局事。是故菩薩與此莊嚴量功德願願我國土如虛空廣大無際。如虛空者。言來生者雖衆。猶若無也。廣大無際者。成上如虛空義。何故如虛空以廣大無際故。成就者言。十方衆生。往生者。若已生。若今生。若當生。雖無量無邊畢竟。常如虛空廣大無際終無滿時。是故言究竟如虛空廣大無邊際。問曰。如維摩丈。苞容有餘。何必國界無。貴反。支乃解廣大。答曰。所言廣大。非必以唯五十畝。曠三十畝。一萬反。爲喻。但言如空亦何累。方丈。又方丈之所苞容。在狹而廣。豈實。下論果報。豈若在廣而廣耶。

### 正道大慈悲。出世善根生。

此一句。名莊嚴性功德成就。佛本何故起此莊嚴。見有國土。以愛欲故。則有欲界。

以攀厭禪定故則有色無色界。此二界皆是有漏邪道所生長夜大夢莫知條出。是故與大悲心願我成佛以無上正見道起清淨土出於二界性是本義言此淨土隨順法性不乖法本事同華嚴經寶王如來性起義又言積習成性指法藏菩薩集諸波羅密積習所成亦言性者是聖種性序法藏菩薩於世自在王佛所悟無生法忍爾時位名聖種性於是性中發四十八大願修起此土即曰安樂淨土。是彼因所得果中說因故名爲性又言性是必然義不改義如海性一味衆流入者必爲一味海味不隨彼改也又如人身性不淨故種種妙好色香美味入身皆爲不淨安樂淨土諸往生者無不淨色無不淨心畢竟皆得清淨平等無爲法身。以安樂國土清淨性成就故正道大慈悲出世善根生者平等大道也平等道所以名爲正道者平等是諸法體相以諸法平等故發心等發心等故道等道等故大慈悲等大慈悲是佛道正因故言正道大慈悲慈悲有二緣一者衆生緣是小悲二者法緣是中悲二者無緣是大悲大悲卽出世善也安樂淨土從此大悲生

故謂此大悲爲淨土之根故曰出世善根生淨光明滿足。如鏡日月輪。

此二句名莊嚴形相功德成就佛本所以起此莊嚴功德者見日行四域光不周三方庭燎反小在宅明不滿十仞以是故起滿淨光明願如日月光輪滿足自體彼安樂淨土雖復廣大無邊清淨光明無不充塞故曰淨光明滿足如鏡日月輪備諸珍寶性具足妙莊嚴。

此二句名莊嚴種種事功德成就佛本何故起此莊嚴見有國土以泥土爲宮飾以木石爲華觀或雕金鑿玉意願不充或營備百千具受辛苦以此故與大悲心願我成佛必使珍寶具足嚴麗自然相忘於有餘自得於佛道此莊嚴事縱使毗首羯磨工稱妙絕積思竭想豈能取圖性者本義也能生既淨所生焉得不淨故經言隨其心淨則佛土淨是故言備諸珍寶性具足妙莊嚴。

無垢光燄熾明淨曜世間。

此一句名莊嚴妙色功德成就佛本何故起此莊嚴。見有國土優劣不同以不同故高下以形高下既形是非以起是非既起長淪<sup>音俗</sup>。僧二有是故與大悲心起平等願願我國土光燄熾盛第一無比不如人天金色能有奪者若為相奪如明鏡在金邊則不現今日時中金比佛在時金則不現佛在時金比閻浮那金則不現閻浮那金比大海中轉輪王道中金沙則不現轉輪王道中金沙比金山則不現金山比須彌山金則不現須彌山金比三十三天瓔珞金則不現三十三天瓔珞金比燄摩天金則不現燄摩天金比兜率陀天金則不現兜率陀天化自在天金則不現化自在天金比他化自在天金則不現他化自在天金比安樂國中光明則不現所以者何彼土金光從絕垢業生故清淨無不成就故安樂淨土是無生忍菩薩淨業所起阿彌陀如來法王所領阿彌陀如來為增上緣故是故言無垢光燄明淨曜世間曜世間者曜二種世間也。

**寶性功德草 柔軟左右旋 觸者生勝樂 遍迦旃陀**

此四句名莊嚴獨功德成就佛本何故起此莊嚴。見有國土雖寶重金玉不得為衣服珍玩明鏡無議於敷具斯緣悅於目不便於身也身眼一情豈弗矛盾乎是故願言使我國土人天六情和於水乳卒去楚越之勞所以七寶柔軟悅目便身迦旃陀者天竺采軟草名也觸之者能生樂受故以爲喻註者言此間土石草木各有定體譯者何緣目彼寶爲草耶當以其黃草得風貌黃菜草旋覆<sup>反</sup>莢曰莢草反小故以草目之耳余若參譯當別有產生勝樂者觸迦旃陀生染著樂觸彼軟寶生法喜樂二事相懸非勝如何是故言寶性功德草柔軟左右旋觸者生勝樂遍迦旃陀。

**寶華千萬種 繡覆池流泉 微風動華葉 交錯光亂轉**

此四句名莊嚴水功德成就佛本何故起此願見有國土或湧<sup>音</sup>湯江水大波洪濤大海波津沫驚人或凝澌流冰<sup>上</sup>決古甲<sup>反</sup>澌凜相著<sup>追</sup>子<sup>反</sup>澌六甲反<sup>懷代</sup>忘則反他向無安悅之情背有恐懼之慮菩薩見此與大悲心願我成佛所有流泉池沼<sup>小</sup>之

與宮殿相稱。事出種種寶華布爲水飾。微風徐扇映發有序。開神悅體無一不可。是故言寶華千萬種。彌覆池流泉。微風動華葉。交錯光亂轉。

宮殿諸樓閣。觀十方無礙。雜樹異光色。寶欄偏圍繞。

此四句名莊嚴地功德成就。佛本何故起此莊嚴。見有國土。唯高貌才。燒牛消峻。  
高後。嶺枯木橫岑。崖白。峯山不齊貌。輕深山谷。亦山嶮深無崖。脊惡草貌。茅多  
草。不可行。盈壅茫茫滄海。爲絕目之川。廣廣澤爲無蹤之所。菩薩見此。興大悲願。  
願我國土地平如掌。宮殿樓閣鏡納十方的無所屬。亦非不屬寶樹寶欄互爲  
映飾。是故言宮殿諸樓閣。觀十方無礙。雜樹異光色。寶欄偏圍繞。

無量寶交絡。羅網偏虛空。種種鉦發響。宣吐妙法音。

此四句名莊嚴虛空功德成就。佛本何故起此莊嚴。見有國土。煙雲塵霧蔽障太  
虛。震烈響林。霍霍大雨。從上而墮。不祥裁天火。華光屈虹青赤。或自每自空  
來。憂慮百端。爲之毛豎。菩薩見此。興大悲心。願我國土。寶網交絡。羅網偏虛空。鉦鐸

各反。大宮商鳴。宣道法。視之無厭懷。道見德。是故言無量寶交絡。羅網偏虛空。種  
種鉦發響。宣吐妙法音。

兩華衣莊嚴。無量香普熏。

此二句名莊嚴雨功德成就。佛本何故與此莊嚴。見有國土。欲以服飾布地。延請  
所尊。或欲以香華名寶。用表恭敬。而業貧感薄。是事不果。是故興大悲願。願我國  
土常雨此物。滿衆生意。何故以雨爲言。恐取著云。若常雨華衣。亦應填塞虛空。何  
緣不妨。是故以雨爲喻。雨適時。則無洪滔。他萬反之患。安樂報。豈有累情之物乎。  
經言日夜六時雨寶衣雨寶華寶質柔軟。履踐其上。則下四寸。隨舉足時。還復如  
故。用訖入寶地。如水入坎。是故言兩華衣莊嚴。無量香普熏。

佛慧明淨日。除世癡闇冥。

此二句名莊嚴光明功德成就。佛本何故與此莊嚴。見有國土。雖復頂背日光。而  
爲愚癡所閼。是故願言。使我國土所有光明。能除癡闇。入佛智慧。不爲無記之事。

亦云安樂國土光明從如來智慧報起故能除世間冥經言或有佛土以光明爲佛事即是此也故言佛慧明淨日除世穢闇冥。

### 梵聲悟深遠 微妙聞十方

此二句名莊嚴妙聲功德成就佛本何故與此願見有國土雖有善法而名聲不遠有名聲雖遠復不微妙有名聲妙遠復不能悟物是故起此莊嚴天台國稱淨行爲梵行稱妙辭爲梵言彼國貴重梵天多以梵爲讚亦言中國法與梵天通故也聲者名也名謂安樂土名經言若人但聞安樂淨土之名欲願往生亦得如願此名悟物之證也釋論言如斯淨土非二界所攝何以言之無欲故非欲界地居故非色界有色故非無色界蓋菩薩別業所致耳出有而有曰微出有者謂出三土有名能開悟曰妙妙好也以名能是故言梵聲悟深遠微妙聞十方

### 正覺阿彌陀 法王善住持

此二句名莊嚴主功德成就佛本何故與此願見有國土羅刹爲君則卒士相噉

寶輪駐止馬長殿則四域無虞暨之風塵豈無本耶是故與願願我國土常有法王法王善力之所住持住持者如黃鶴持子安千齡更起魚母念持子經舉火多無水日舉火岳反不壞安樂國爲正覺善持其國豈有非正覺事耶是故言正覺阿彌陀法王善住持

### 如來淨華衆 正覺華化生

此二句名莊嚴眷屬功德成就佛本何故與此願見有國土或以胞血爲身器或以糞尿爲生元或槐棘高折出猜狂之子或暨子婢腹出卓犖零角之才識謂召反由之懷火心辱緣以抱冰所以願言使我國土悉於如來淨華中生眷屬平等與眷無異故言如來淨華衆正覺華化生

### 愛樂佛法味 禪二昧爲食

此二句名莊嚴受用功德成就佛本何故與此願見有國土或探巢破卵爲饍食公滿反饑人消反多也之饍或懸沙指岱爲相慰之方嗚呼諸子實可痛心是故與

大悲願願我國土以佛法以禪定以三昧爲食永絕他食之勞愛樂佛法味者如日月燈明佛說法華經六十小劫時會聽者亦坐一處六十小劫謂如食頤無有一人若身若心而生懈倦以禪定爲食者謂諸大菩薩常在三昧無他食也三昧者彼諸人天若須食時百味嘉餚羅列在前眼見色鼻聞香身受適悅自然飽足訖已化去若須復現其事在經是故言愛樂佛法禪三昧爲食

水離身心惱 受樂常無閒

此二句名莊嚴無諸功德成就佛本何故與此願見有國土或朝預交龍夕惟斧鉞或幼含蓬藜長列方丈或鳴笳道出歷經催還有如是等種種違奪是故願言使我國土安樂相續畢竟無閒身惱者飢渴寒熱殺害等也心惱者是非得失三毒等也是故言水離身心惱受樂常無閒

大乘善根界 等無譏嫌名 女人及根缺 二乘種不生

此四句名莊嚴大義門功德成就門者通大義之門也大義者大乘所以也如人

造城得門則入若人得生安樂者是則成就大乘之門也佛本何故與此願見有國土雖有佛如來賢聖等衆由國濁故分一說二或以拓反眉致請或緣指語招譏是故願言使我國土皆是大乘一味平等一味根敗種子畢竟不生女人殘缺名字亦斷是故言大乘善根界等無譏嫌名女人及根缺二乘種不生問曰案王舍城所說無量壽經法藏菩薩四十八願中言設我得佛國中聲聞有能計量知其數者不取正覺是有聲聞一證也又十住毗婆沙中龍樹菩薩造阿彌陀讚云超出三界獄目如蓮華葉聲聞衆無量是故稽首禮是有聲聞二證也又摩訶衍論中言佛土種種不同或有佛土純是聲聞僧或有佛土純是菩薩僧或有佛土菩薩聲聞會爲僧如阿彌陀安樂國等是也是有聲聞二證也諸經中有說安樂國處多言有聲聞不言無聲聞聲聞即是二乘之一論言乃至無二乘名此云何會答曰以理推之安樂淨土不應有一乘何以言之夫有病則有藥理數之常也法華經言釋迦牟尼如來以出五濁世故分一爲三淨土既非五濁無二乘明

矣。法華經道諸聲聞是人於何而得解脫。但離虛妄名爲解脫是人實未得一切解脫。以未得無上道故。聚推此理。阿羅漢既未得一切解脫必應有生。此人更不生三界。三界外除淨土更無生處。是以唯應於淨土生。如言聲聞者是他方聲聞來生。仍本名故稱爲聲聞。如天帝釋生人中時姓橋尸迦後雖爲天主佛欲使人知其由來。與帝釋語時猶稱橋尸迦其此類也。又此論但言二乘種不生謂安樂國不生二乘種子亦何妨二乘來生耶。譬喻如橘栽不生江北河洛果肆亦見有橘。又言鶲鶴不渡龍西趙魏架桁亦有鶲鶴此二物但言其種不渡彼有聲聞亦如是。作如是解經論則會問曰。名以召事。有事乃有名。安樂國既無二乘女人根缺之事。亦何須復言無此二名耶。答曰。如轉心菩薩不甚勇猛。譏言聲聞如人詭曲或復偏弱。譏言女人。又如眼雖明而不識事。譏言盲人。又如耳雖聰而聽義不解。譏言聾人。又如舌雖語而訥口。吃譏言痴人。有如是等根雖具足而有譏嫌之名。是故須言乃至無名。明淨土無如是等與奪之名。問曰。尋法藏菩薩本願及龍樹菩薩所讚皆似以彼國聲聞衆多爲奇。此有何義。答曰。聲聞以實際爲證計不應更能生佛道根芽。而佛以本願不可思議神力攝令生彼。必當復以神力生其無上道心。譬如鳩鳥入水魚蚌咸死。犀牛觸之死者皆活。如此不應生而生所以可。然五不思議中佛法最不可思議。佛能依聲聞復生無上道心。真不可思議之至也。

### 衆生所願樂 一切能滿足。

此一句名莊嚴。一切所求滿足功德成就。佛本何故興此願。見有國土或名高位重潛處無由。或人凡姓鄙惡出塵路。或修短繁業制不在己。如阿彌陀仙人類也。有如是等爲業風所吹不得自在。是故願言使我國土名稱所求滿足。願是故言。衆生所願樂。一切能滿足。

### 是故願生彼 阿彌陀佛國。

此一句結成上觀察十七種莊嚴國土成就。所以願生釋器世間清淨。訖之於上。

今觀衆生世間清淨此門中分爲二別。一者觀察阿彌陀如來莊嚴功德。二者觀察彼諸菩薩莊嚴功德。觀察如來莊嚴功德中有八種至文當曰。問曰有論師汎解衆生名義以其輪轉二有受衆多生死故名衆生今名佛菩薩爲衆生是義云何答曰經言一法有無量名一名有無量義。如以受衆多生死故名爲衆生者此是小乘家釋二界中衆生名義非大乘家衆生名義也。大乘家所言衆生者如不增不減經言衆生者卽是不生不滅義何以故。若有生生已復生有無窮過故。有不生而生過故是故無生若有生可有滅既無生何得有滅是故無生無滅是衆生義。如經中言五受陰通達空無所有是苦義斯其類也。

### 無量大寶王 微妙淨華臺

此二句名莊嚴座功德成就佛本何故莊嚴此座。見有菩薩於未後身敷草而坐成阿耨多羅三藐三菩提人天見者不生增上信增上恭敬增上愛樂增上修行。是故願言我成佛時使無量大寶王微妙淨華臺以爲佛座無量者如觀無量壽

經言七寶地上有大寶蓮華王座蓮華一一葉作百寶色有八萬四千脈猶如天畫脈有八萬四千光華葉小者縱廣二百五十由旬如是華有八萬四千葉一一葉間有百億摩尼珠王以爲映飾一一摩尼放千光明其光如蓋七寶合成偏覆地上釋迦毗楞伽寶以爲其臺此蓮華臺八萬金剛瓶及迦葉梵摩尼寶妙真珠網以爲校飾於其臺上自然而有四柱寶幢一一寶幢如百千萬億須彌山幢上寶幢如夜摩天宮有五百億微妙寶珠以爲映飾一一寶珠有八萬四千光一一光作八萬四千異種金色一一金色偏安樂寶土處處變化各作異相或爲金剛臺或作真珠網或作雜華雲於十方面隨意變現施作佛事如是等事出過數量。是故言無量大寶王微妙淨華臺。

### 相好光一尋 色像超羣生

此二句名莊嚴身業功德成就佛本何故莊嚴如此身業見有佛身受一丈光明於人身光不甚超絕如轉輪王相好亦大同提婆達多所減唯一一致令阿閻世王

以茲惑亂。刪闇耶等敢如蟻蟬。或如此類。也是故莊嚴如此。身業案此間詁訓六尺曰尋。如觀無量壽經言。阿彌陀如來身高六十萬億那由他。恆河沙由旬。佛圓光如百億三千大千世界。譯者以尋而言。何其晦反呼內乎。里舍間人不簡縱橫長短。咸謂橫舒兩手臂爲尋。若譯者或取此類用準阿彌陀如來舒臂爲言。故稱一尋者。圓光亦應徑六十萬億那由他。恆河沙由旬。是故言相好光一尋。色像超羣。生問曰。觀無量壽經言。諸佛如來是法界身。入一切衆生心想中。是故汝等心想佛時。是心即是三十二相八十隨形好。是心作佛。是心是佛。諸佛正徧知海。從心想生。是義云何。答曰。身名集成界名事別。如眼界緣根色空明作意五因緣。生名爲眼界。是眼但自行己緣不行他緣。以事別故。耳鼻等界亦如是。言諸佛如來是法界身者。法界是衆生心法也。以心能生世間出世間一切諸法。故名心爲法界。法界能生諸如來相好身。亦如色等能生眼識。是故佛身名法界身。是身不行他緣。是故入一切衆生心想中心想佛時。是心即是三十二相八十隨形好者。當衆

生心想佛時。佛身相好顯現衆生心中也。譬如水清則色像現水之與像。不一不異。故言佛相好身即是心想。也是心作佛者。言心能作佛。也是心是佛者。心外無佛也。譬如火從木出。火不能離木也。以不離木故。則能燒木。木爲火。燒木即爲火也。諸佛正徧知海。從心想生者。正徧知者。真正如法界而知也。法界無相。故諸佛無知也。以無知故。無不知也。無知而知者。是正徧知也。是知深廣不可測量。故譬海也。

### 如來微妙聲 梵響聞十方。

此二句名莊嚴口業功德成就佛本。何故與此莊嚴見有如來名似不尊。如外道。軒轅。反車人。人稱瞿曇姓成道日聲。唯徹梵天。是故願言。使我成佛。妙聲遐布。聞者悟忍。是故言如來微妙聲。梵響聞十方。

### 同地水火風 虛空無分別。

此二句名莊嚴心業功德成就佛本。何故與此莊嚴見有如來說法云此黑此白。

此不黑不白下法中法上法上上法有如是等無量差別品似有分別是故願言。使我成佛如地荷負無輕重之殊如水潤長無有異若插音之異如火成熟無芳臭之別如風起發無眠寤之差如空芭受無開塞之念得之於內物安於外虛往實歸於是乎息是故言同地水火風虛空無分別於是乎息。

### 天人不動衆 清淨智海生。

此一句名莊嚴大衆功德成就佛本何故起此莊嚴見有如來說法輪下所有大衆諸根性欲種種不同於佛智慧若退若沒以不等故衆不純淨所以與願願我成佛所有天人皆從如來智慧清淨海生海者言佛一切種智深廣無涯不宿二乘雜善中下死屍喻之如海是故言天人不動衆清淨智海生不動者言彼天人成就大乘根不可傾動也。

### 如須彌山王 勝妙無過者。

此一句名莊嚴上首功德成就佛本何故起此願見有如來衆中或有強梁者如

提婆達多流比或有國王與佛並治不知甚推佛或有譖佛以他緣廢忘有如是等似上首力不成就是故願言我爲佛時願一切大衆無能生心敢與我等唯一法王更無俗王是故言如須彌山王勝妙無過者。

### 天人丈夫衆 恭敬繞瞻仰。

此一句名莊嚴主功德成就佛本何故起此莊嚴見有佛如來雖有大衆衆中亦有不甚恭敬如一比丘語釋迦牟尼佛若不與我解十四難我當更寧餘道亦如居迦離謗舍利弗佛二語而不受又如諸外道輩假入佛衆而常伺求佛短又如第六天魔常於佛所作諸畱難有如是等種種不恭敬相是故願言使我成佛天人大衆恭敬無倦所以但言天人者淨土無女人及八部鬼神故也是故言天人丈夫衆恭敬繞瞻仰。

### 觀佛本願力 遇無空過者 能令速滿足 功德大寶海。

此四句名莊嚴不虛作住持功德成就佛本何故起此莊嚴見有如來但以聲聞

爲僧無求佛道者。或有值佛而不免二途。善星提婆達多居迦離等是也。又人聞佛名號發無上道心。遇惡因緣退入聲聞辟支佛地者。有如是等空過者。退沒者是故願言。使我成佛時。值遇我者。皆速疾滿足無上大寶。是故言觀佛本願力。遇無空過者。能令速滿足功德大寶。海住持義。如上觀佛莊嚴八種功德說之於上。

△次觀安樂國諸大菩薩四種莊嚴功德成就問曰。觀如來莊嚴功德何所顯少。復須觀菩薩功德耶。答曰。如有明君。則有賢臣。堯舜之稱。無爲是其比也。若使但有如來法王而無大菩薩法臣。於聖賢道豈足云滿。亦如薪積小則火不大。如經言。阿彌陀佛國有無量無邊諸大菩薩。如觀世音大勢至等。皆當一生於他方次補佛處。若人稱名憶念者。歸依者。觀察者。如法華經普門品說。無願不滿。然菩薩愛樂功德。如海吞流。無止足情。亦如釋迦牟尼如來聞一日聞比丘吁言。誰愛功德。爲我維繖爾時。如來從禪定起來。到其所語言。我愛福德。遂爲其維繖爾時。失明比丘暗聞佛語。驚喜。大集白佛言。世尊。世尊功德猶未滿耶。佛報言。我功德圓

滿無所復須。但我此身從功德生。知功德恩分故。是故言愛。如所問觀佛功德實無願不充。所以復觀菩薩功德者。有如上種種義故耳。

安樂國清淨常轉無垢輪化佛菩薩曰。如須彌住持。

佛本何故起此莊嚴。見有佛土。但是小菩薩不能於十方世界廣作佛事。或但聲聞人天所利狹小。是故與願願我國中有無量大菩薩衆。不動本處。徧至十方種種應化。如實修行。常作佛事。譬如日在天上。而彰現百川。日豈來耶。豈不來耶。如大集經言。譬如有人。善治堤塘。量其所宜。及放水時。不加心力。菩薩亦如是。先治一切諸佛及衆生。應供養。應教化。種種堤塘。及入三昧。身心不動。如實修行。常作佛事。如實修行者。雖常修行。實無所修行。也是故言。安樂國清淨常轉無垢輪化佛菩薩曰。如須彌住持。

無垢莊嚴光一念及一時。普照諸佛會。利益諸羣生。

佛本何故起此莊嚴。見有如來眷屬。欲供養他方無量諸佛。或欲教化無量衆生。

此沒彼出先南後北不能以一念一時放光普照偏至十方世界教化衆生。有出沒前後相故是故與願願我佛土諸大菩薩於一念時頃偏至十方作種種佛事。是故言無垢莊嚴光一念及一時普照諸佛會利益諸羣生。問曰上章云身不動搖而偏至十方不動而至豈非是一時義耶與此若爲差別答曰上但言不動而至或容有前後此言無前無後是爲差別亦是成上不動義若不一時則是在來若有往來則非不動是故爲成上不動義故須觀一時。

兩天樂華衣 妙香等供養 讚諸佛功德 無有分別心

佛本何故起此莊嚴見有佛土菩薩人天志趣不廣不能偏至十方無窮世界供養諸佛如來大眾或以己土穢濁不敢向詣淨鄉或以所居清淨鄙薄穢土以如此等種種局分於諸佛如來所不能周偏供養發起廣大善根是故願言我成佛時願我國土一切菩薩聲聞天人大衆偏至十方一切諸佛大會處所兩天樂天華天衣天香以巧妙鑄解供養讚歎諸佛功德雖歎穢土如來大慈謙忍不見佛

土有雜穢相雖歎淨土如來無量莊嚴不見佛土有清淨相何以故以諸法等故諸如來等是故諸佛如來名爲等覺若於佛土起優劣心假使供養如來非法供養也是故言兩天樂華衣妙香等供養讚諸佛功德無有分別心

何等世界無 佛法功德寶 我願皆往生 示佛法如佛

佛本何故起此願見有軟心菩薩但樂有佛國土修行無慈悲堅牢心是故與願願我成佛時我土菩薩皆慈悲勇猛堅固志願能捨清淨土至他方無佛法僧處住持莊嚴佛法僧寶示如有佛使佛種處處不斷是故言何等世界無佛法功德寶我願皆往生示佛法如佛觀菩薩四種莊嚴功德成就說之於上

△次下四句是迴向門

我作論說偈 賴見彌陀佛 普共諸衆生 往生安樂國

此四句是論主迴向門迴向者迴已功德普施衆生共見阿彌陀如來生安樂國無量壽修多羅章句我以偈頌總說竟

問曰天親菩薩迴向章中言普共諸衆生往生安樂國此指共何等衆生耶答曰案王舍城所說無量壽經佛告阿難十方恆河沙諸佛如來皆共稱歎無量壽佛威神功德不可思議諸有衆生聞其名號信心歡喜乃至一念至心迴向願生彼國即得往生住不退轉唯除五逆誹謗正法案此而言一切外凡夫人皆得往生又如觀無量壽經有九品往生下下品生者或有衆生作不善業五逆十惡具諸不善如此愚人以惡業故應墮惡道經歷多劫受苦無窮如此愚人臨命終時遇善知識種種安慰爲說妙教令念佛此人苦逼不遑念佛善友告言汝若不能念佛應稱無量壽佛如是至心令聲不絕具足十念稱南無阿彌陀佛稱佛名故於念念中除八十億劫生死之罪。命終之時見金蓮華猶如日輪住其人前如一念頃即得往生極樂世界於蓮華中滿十二大劫蓮華方開。當以此消觀世音大勢至以大悲音聲爲其廣說諸法實相除滅罪法聞已歡喜應時即發菩提之心是名下品下生者以此經證明知下品凡夫但令不誹謗正法信佛因緣皆得往

生。問曰無量壽經言願往生者皆得往生唯除五逆誹謗正法觀無量壽經言作五逆十惡具諸不善亦得往生此二經云何會答曰一經以具二種重罪一者五逆二者誹謗正法以此二種罪故所以不得往生一經但言作十惡五逆等罪不言誹謗正法以不謗正法故是故得生。問曰假使一人具五逆罪而不誹謗正法經許得生復有一人但誹謗正法而無五逆諸罪願往生者得生與否答曰但令誹謗正法雖更無餘罪必不得生何以言之經言五逆罪人墮阿鼻大地獄中具受一劫重罪誹謗正法人墮阿鼻大地獄中此劫若盡復轉至他方阿鼻大地獄中如是展轉經百千阿鼻大地獄佛不記得出時節以誹謗正法罪極重故又正法者即是佛法此愚癡人既生誹謗安有願生佛土之理假使但貪彼土安樂而願生者亦如求非水之冰無煙之火豈有得理。問曰何等相是誹謗正法答曰若言無佛無佛法無菩薩無菩薩法如是等見若心自解若從他受其心決定皆名誹謗正法。問曰如是等計但是己事於衆生有何苦惱緣於五逆重罪耶答曰若

無諸佛菩薩說世間出世間善道教化衆生者。豈知有仁義證智信耶。如是世間一切善法皆斷出世間一切賢聖皆滅汝但知五逆罪爲重而不知五逆罪後無正法生是故謗正法人其罪最重。問曰業道經言業道如稱重者先奉如觀無量壽經言有人造五逆十惡具諸不善應墮惡道經歷多劫受無量苦。臨命終時遇善知識教稱南無阿彌陀佛如是至心令聲不絕具足十念便得往生安樂淨土。卽入大乘正定之聚畢竟不退與二途諸苦永隔先奉之義於理如何。又曠劫已來備造諸行有漏之法繁屬二界但以十念念阿彌陀佛便出二界繫業之義復欲云何答曰汝謂五逆十惡繫業等爲重以下下品人十念爲輕應爲罪所奉先墮地獄繫在二界者今當以義校量輕重之義在心在緣在決定不在時節久近多少也。云何在心彼造罪人自依止處妄顛倒見生此十念者依善知識方便安慰聞實相法生一寔一虛豈得相比譬如千歲閻室光若暫至卽便明朗閻豈得言在室千歲而不去耶是名在心云何在緣彼造罪人自依止妄想心依煩惱虛

妄果報衆生此十念者依止無上信心依阿彌陀如來方便莊嚴真實清淨無量功德名號生譬如有入被毒箭所中截筋破骨聞滅除藥鼓卽箭出毒除首楞嚴經言。譬如有藥名曰滅除者聞戰時用以塗鼓聞鼓聲者箭出毒除者可得言彼箭深毒厲聞鼓音聲不能拔箭去毒耶是名在緣云何在決定彼造罪人依止有後心有心門生此十念者依止無後心無門心生是名決定校量二義十念者重者先奉能出二有兩經一義耳。問曰幾時名爲一念答曰百一生滅名一剎那六十剎那名爲一念此中云念者不取此時節也。但言憶念阿彌陀佛若總相若別相隨所觀緣心無他想十念相續名爲十念但稱名號亦復如是。問曰心若他緣攝之令還可知念之多少。但知多少復非無聞若凝心注想復依何可得記念之多少答曰經言十念者明業事成辦耳不必須知頭數也。如言蟪蛄不識春秋伊蟲豈知朱陽之節乎。知者言之耳十念業成者是亦通神者言之耳但積念相應不緣他事便罷復何暇須知念之頭數也。若必須知亦有方便必須口授不得

## 題之筆點

無量壽經優婆提舍願生偈註卷上

無量壽經優婆提舍願生偈註卷下

論曰

論曰已下此是解義分。此分中義有十重。一者願偈大意。二者起觀生信。三者觀行體相。四者淨入願心。五者善巧攝化。六者離苦提障。七者順苦提門。八者名義攝對。九者願事成就。十者利行滿足。論者議也。言議偈所以也。曰者詞也。指下諸句是議釋偈詞也。故言論曰。

△願偈大意者

此願偈明何義。示現觀彼安樂世界。見阿彌陀如來願生彼國故。

△起觀生信者。此分中又有二重。一者示五念力。二者出五念門示五念力者。

云何觀云何生信心。若善男子善女人修五念門行成就畢竟得生安樂國土。見彼

阿彌陀佛。

△出五念門者

何等五念門。一者禮拜門。二者讚歎門。三者作願門。四者觀察門。五者迴向門。

門者入出義也。如人得門則入出無礙。前四念是入安樂淨土門。後一念是出慈悲教化門。

云何禮拜身業禮拜阿彌陀如來應正偏知。

諸佛如來德有無量。德無量故。德號亦無量。若欲具談。紙筆不能載。也是以諸經或舉十名。或騰二號。蓋存至宗而已。豈此盡耶。所言二號。即此如來應正偏知也。如來者。如法相解。如法相說。如諸佛安隱道來。此佛亦如是來。更不去後。有中故。名如來應者。應供也。佛結使除盡。得一切智慧。應受一切天地衆生供養。故曰應也。正偏知者。知一切諸法實不壞。相不增不減。云何不壞。心行處滅。言語道過。諸法如涅槃相不動。故名正偏知無礙光義。如前偈中解。

爲生彼國意故。

何故言此菩薩之法常以晝二時夜二時禮十方一切諸佛不必有願生意今應常作願生意故禮阿彌陀如來也。

云何讚歎口業讚歎。

讚者讚揚也歎者歌歎也讚歎非口不宣故曰口業也。

稱彼如來名如彼如來光明智相如彼名義欲如實修行相應故。

稱彼如來名者謂稱無礙光如來名也如彼如來光明智相者佛光明是智慧相也此光明照十方世界無有障礙能除十方衆生無明黑暗非如日月珠光但破空穴中間也如彼名義欲如實修行相應者彼無礙光如來名號能破衆生一切無明能滿衆生一切志願然有稱名憶念而無明猶在而不滿所願者何者由不如實修行與名義不相應故也云何爲不如實修行與名義不相應謂不知如來是實相身是爲物身又有二種不相應一者信心不淳若存若亡故二者信心不

一無決定故二者信心不相續餘念間故此二句展轉相成以信心不淳故無決定無決定故念不相續亦可念不相續故不得決定信不得決定信故心不淳與此相違名與實修行相應是故論主建言我一心問曰名爲法指如指指月若稱佛名號便得滿願者指月之指應能破闇若指月之指不能破闇稱佛名號亦何能滿願耶答曰諸法萬差不可一概有名卽法有名異法名卽法者諸佛菩薩名號般若波羅蜜及陀羅尼章句禁呪音辭等是也如禁腫辭云日出東方乍赤乍黃等句假使西行禁不關日出而腫得差亦如行師對陣但一切齒中誦臨兵鬪者皆陳列在前行誦此九字五兵之所不中抱朴子謂之要道者也又苦轉筋者以木瓜對火熨之則愈復有人但呼木瓜名亦愈吾身得其效也如斯近事世間共知況不可思議境界者乎滅除藥塗鼓之喻復是一事此喻已彰於前故不重引有名異法者如指指月等名也。

云何作願心常作願一心專念畢竟往生安樂國土欲如實修行奢摩他故。

譯奢摩他曰。止止者止心一處不作惡也。此譯名乃不乖大意於義未溝何以言之。如止心是端亦名爲止。不淨觀止食慈悲觀止瞋因緣觀止疑。如是等亦名爲止。如人將行不行亦名爲止。是知止語浮漫不正得奢摩他名也。如椿柘榆柳雖皆名木。若但云木安得榆柳耶。奢摩他云止者今有二義。一者一心專念阿彌陀如來願生彼土。此如來名號及彼國土名號能止一切惡。二者彼安樂土過三界道。若人一生彼國自然止身口意惡。二者阿彌陀如來正覺住持力自然止求聲聞辟支佛心。此二種止從如來如實功德生是故言欲如實修行奢摩他故。云何觀察智慧觀察正念觀。欲如實修行毗婆舍那故。

譯毗婆舍那曰。觀但汎言觀義亦未溝何以言之。如觀身無常苦空無我九相等皆名爲觀。亦如上木名不得椿柘也。毗婆舍那云觀者亦有二義。一者在此作想觀。彼二種莊嚴功德此功德如實故修行者亦得如實功德如實功德者決定得生彼土。二者一得生彼淨土卽見阿彌陀佛。未證淨心菩薩畢竟得證平等法身。

與淨心菩薩與上地菩薩畢竟同得寂滅平等是故言欲如實修行毗婆舍那故。彼觀察有二種。何等二種。一者觀察彼佛國土莊嚴功德。二者觀察阿彌陀佛莊嚴功德。二者觀察彼諸菩薩莊嚴功德。

心緣其事曰觀。觀心分曰察。

云何迴向。不捨一切苦惱衆生。心常作願迴向爲首得成就大悲心故。

迴向有一種相。一者往相。二者還相。往相者以己功德迴施一切衆生。作願共往生彼阿彌陀如來安樂淨土。還相者生彼土已得奢摩他。毗婆舍那方便力成就。迴入生死稠林教化一切衆生共向佛道。若往若還皆爲拔衆生渡生死海。是故言迴向爲首得成就大悲心故。

△觀行體相者。此分中有二體。一者器體。二者衆生體。器體分中又有二重。一者國土體相。二者示現自利利他。二者入第一義諦國土體相者。

云何觀察彼佛國土莊嚴功德。彼佛國土莊嚴功德者成就不可思議力故。如彼摩

## 尼如意寶性相似相對法故。

不可思議力者總指彼佛國土十七種莊嚴功德力不可得思議也諸經統言有五種不可思議一者衆生多少不可思議二者業力不可思議三者龍力不可思議四者禪定力不可思議五者佛法力不可思議此中佛土不可思議有一種力一者業力謂法藏菩薩出世善根大願業力所成二者正覺阿彌陀法王善住持力所攝此不可思議如下十七種一一相皆不可思議至文當釋如彼摩尼如意寶性相似相對者借彼摩尼如意寶性示安樂佛土不可思議性也諸佛入涅槃時以方便力而碎身舍利以福衆生衆生福盡此舍利變爲摩尼如意寶珠此珠多在大海中大龍王以爲首飾若轉輪聖王出世以慈悲方便能得此珠於闇浮堤作大饋盆若須衣服飲食燈明樂具隨意所欲種種物時王便潔齋置珠於長竿頭發願言若我實是轉輪王者願寶珠雨如此之物若徧一里若十里若百里隨我心願爾時卽便於虛空中雨種種物皆稱所須滿足天下一切人願以此寶

性力故彼安樂佛土亦如是以安樂性種種成就故相似相對者彼寶珠力求衣食者能雨衣食等物稱求者意非是不求彼佛土則不然性滿足成就故無所乏少片取彼性爲喻故言相似相對又彼寶但能與衆生衣食等願不能與衆生無上道願又彼寶但能與衆生一身願不能與衆生無量身願有如是等無量差別故言相似。

觀察彼佛國土莊嚴功德成就者有十七種應知何等十七一者莊嚴清淨功德成就二者莊嚴量功德成就三者莊嚴性功德成就四者莊嚴形相功德成就五者莊嚴種種事功德成就六者莊嚴妙色功德成就七者莊嚴觸功德成就八者莊嚴三種功德成就九者莊嚴雨功德成就十者莊嚴光明功德成就十一者莊嚴妙聲功德成就十二者莊嚴王功德成就十三者莊嚴眷屬功德成就十四者莊嚴受用功德成就十五者莊嚴無諸難功德成就十六者莊嚴大義門功德成就十七者莊嚴一切所求滿足功德成就

## 先舉章門次續提釋

莊嚴清淨功德成就者偈言觀彼世界相勝過二界道故。

此云何不思議有凡夫人煩惱成就亦得生彼淨土三界繁業畢竟不奉則是不斷煩惱得涅槃分焉不可思議。

莊嚴量功德成就者偈言究竟如虛空廣大無邊際故。

此云何不思議彼國人天若意欲宮殿樓閣若廣一由旬若百由旬若干由旬千間萬間隨心所成人各如此又十方世界衆生願往生者若已生若今生若當生一時一日之頃算數所不能知其多少而彼世界常若虛空無边际相彼中衆生住如此量中志願廣大亦如虛空無有限量彼國土量能成衆生心行量何可思議。

莊嚴性功德成就者偈言正道大慈悲出世善根生故。

此云何不思議譬如迦羅求羅蟲其形微小若得大風身如大山隨風大小爲己

身相生安樂衆生亦復如是生彼正道世界卽成就出世善根入正定聚亦如彼蟲非身而身焉不可思議。

莊嚴形相功德成就者偈言淨光明滿足如鏡日月輪故。

此云何不思議大忍辱得端正我心影響也一得生彼無瞋忍之殊人天色像平等妙絕蓋淨光之力也彼光非心行而爲心行之事焉不可思議。

莊嚴種種事功德成就者偈言備諸珍寶性具足妙莊嚴故。

此云何不思議彼種種事或一寶十寶百千種寶隨心稱意無不具足若欲令無條件焉化沒心得自在有踰神通安可思議。

莊嚴妙色功德成就者偈言無垢光燄熾明淨曜世間故。

此云何不思議其光曜事則映徹表裏其光曜心則終盡無明光爲佛事焉不可思議。

莊嚴觸功德成就者偈言寶性功德草木軟左右旋觸者生勝樂過迦旃陀故。

此云何不思議夫寶例堅強而此柔軟觸樂應者而此增道事同愛作何不可思議。有菩薩字愛作形容端正生人染著經言染之者或生天上或發菩提心。莊嚴二種功德成就者有二種事應知何等二種一者水二者地二者虛空。此二種所以并言以同類者故也何以言之一者六大類所謂虛空識地水火風。二者無分別類所謂地水火風虛空但言二類者識一大屬衆生世間故大。彼中無故雖有風風不可見故無住處故是以六大五類中取有而可莊嚴二種并言之。

莊嚴水功德成就者偈言寶華千萬種彌覆池流泉微風動華葉交錯光亂轉故。此云何不思議彼淨土人天非水敷身何須水耶清淨成就不須洗濯復何用水耶。彼中無四時常調適不煩熱復何須水耶不須而有當有所以經言彼諸菩薩及聲聞若入寶池意欲令水沒足水卽沒足欲令至膝水卽至膝欲令至腰水卽至腰欲令至頸水卽至頸欲令灌身自然灌身欲令還復水輒還復調和冷暖自

然隨意開神悅體蕩除心垢清明澄潔淨若無形寶沙映徹無深不照微淵迴流轉相灌注安詳徐逝不遲不疾波揚無量自然妙聲隨其所應真不聞者或聞佛聲或聞法聲或聞僧聲或聞寂靜聲空無我聲大慈悲聲波羅蜜聲或聞十力無畏不共法聲諸通慧聲無所作聲不起滅聲無生忍聲乃至甘露灌頂衆妙法聲如是等聲稱其所聞歡喜無量隨順清淨離欲寂滅真實之義隨順二寶力無所畏不共之法隨順通慧菩薩聲聞所行之道無有二途苦難之名但有自然快樂之音是故其國名曰安樂此水爲佛事安不可思議。

莊嚴地功德成就者偈言宮殿諸樓閣觀十方無礙雜樹異光色寶螺偏圍繞故。此云何不思議彼種種事或一寶十寶百寶無量寶隨心稱意莊嚴具足此莊嚴事如淨明鏡十方國土淨穢諸相善惡業緣一切悉現彼中人天見斯事故探湯不及之情自然成就亦如諸大菩薩以照法性等寶爲冠此寶冠中皆見諸佛又了達一切諸法之性又如佛說法華經時放眉間光照於東方萬八千土皆如金

色從阿鼻獄上至有頂諸世界中六道衆生生死所趣善惡業緣受報好醜於此悉見蓋斯類也此影爲佛事安可思議。

莊嚴虛空功德成就者偈言無量寶交絡羅網徧虛空種種鈴發響宣吐妙法音故此云何不思議經言無量寶網彌覆佛土皆以金瓔真珠百千雜寶奇妙珍異莊嚴校節周匝四面垂以寶鈴光色晃耀盡極嚴麗自然德風徐起微動其風調和不寒不暑溫涼柔軟不遲不疾吹諸羅網及衆寶樹演發無量微妙法音流布萬種溫雅德香其有聞者塵勞垢習自然不起風觸其身皆得快樂此聲爲佛事焉可思議。

莊嚴雨功德成就者偈言雨華衣莊嚴無量香普熏故。

此云何不思議經言風吹散華徧滿佛土隨色次第而不雜亂柔軟光澤馨香芬烈足履其上陷下四寸隨舉足已還復如故華用已訖地輒開裂以次化沒清淨無遺隨其時節風吹散華如是六返又衆寶蓮華周滿世界一一寶華百千億葉。

其華光明無量種色青色青光白色白光玄黃朱紫光色赫然曁曠煥爛明曜日月一一華中出二十六百千億光一一光中出二十六百千億佛身色紫金相好殊特一一諸佛又放百千光明普爲十方說微妙法如是諸佛各各安立無量衆生於佛正道華爲佛事安可思議。

莊嚴光明功德成就者偈言佛慧明淨日除世翳闇冥故。

此云何不思議彼土光明從如來智慧報起觸之者無明黑闇終必消除光明非慧能爲慧用焉可思議。

莊嚴妙聲功德成就者偈言梵聲悟深遠微妙聞十方故。

此云何不思議經言若人但聞彼國土清淨安樂剋念願生亦得往生卽入正定聚此是國土名字爲佛事安可思議。

莊嚴王功德成就者偈言正覺阿彌陀法王善住持故。

此云何不思議正覺阿彌陀不可思議彼安樂淨土爲正覺阿彌陀善力住持云

何可得思議耶。住名不異不滅。持名不散不失。如以不朽藥塗種子。在水不爛。在火不燃。得因緣則生。何以故。不朽藥力故。若人一生安樂淨土。後時意願生三界。教化衆生。捨淨土命。隨願得生。雖生三界。雜生水火中。無上菩提種子畢竟不朽。何以故。以經正覺阿彌陀善住持故。

莊嚴眷屬功德成就者偈言。如來淨華衆。正覺華化生。故。

此云何不思議。凡是雜生世界。若胎若卵。若溼若化。眷屬若干。苦樂萬品。以雜業故。彼安樂國土莫非是阿彌陀如來正覺淨華之所化生。同一念佛無別道故。遠通夫法界之內。皆爲兄弟也。眷屬無量。焉可思議。

莊嚴受用功德成就者偈言。愛樂佛法味。禪二昧爲食。故。

此云何不思議。不食而資命。蓋所資有以也。豈不是如來滿本願乎。乘佛願爲我命。焉可思議。

莊嚴無諸難功德成就者偈言。永離身心惱。受樂常無間。故。

此云何不思議。經言身爲苦器。心爲惱端。而彼有身有心。而受樂無間。安可思議。

莊嚴大義門功德成就者偈言。大乘善根界。等無譏嫌。名女人及根缺。二乘種不生。故淨土果報離二乘譏嫌。過應知。一者體。二者名。體有二種。一者二乘人。二者女人。三者諸根不具人。無此二過。故名離體譏嫌。名亦二種。非但無二體。乃至不聞二乘女人諸根不具二種名。故名離名譏嫌。等者平等一相。故。

此云何不思議。夫諸天共器飯。有隨福之色。足指按地。乃詳金礫之旨。而願往生者。本則三三之品。今無一二之殊。亦如淄澑食鹽。一味焉可思議。

莊嚴一切所求滿足功德成就者偈言。衆生所願樂。一切能滿足。故。

此云何不思議。彼國人天。若欲願往他方世界。無量佛刹。供養諸佛菩薩。及所須供養之具。無不稱願。又欲捨彼壽命。向餘國生修短自在。隨願皆得。未階自在之位。而同自在之用。焉可思議。

△示現自利利他者。

略說彼阿彌陀佛國土十七種莊嚴功德成就示現如來自身利益大功德力成就利益他功德成就故。

言略者彰彼淨土功德無量非唯十七種也大須彌之人芥子毛孔之納大海豈山海之神乎毛芥之力乎能神者神之耳是故十七種雖曰利他自利之義炳然可知。

### △入第一義諦者。

彼無量壽佛國土莊嚴第一義諦妙境界相十六句及一句次第說應知。

第一義諦者佛因緣法也此諦是境義是故莊嚴等十六句稱爲妙境界相此義至入一法句文當更解釋詳下七葉共廿七行及一句次第者謂觀器淨等總別十七句觀行次第也云何起次建章言歸命無礙光如來願生安樂國此中有疑言生爲有本衆累之元棄生願生生何可盡爲釋此疑是故觀彼淨土莊嚴功德成就明彼淨土是阿彌陀如來清淨本願無生之生非如二有虛妄生也何以言之。

夫法性清淨畢竟無生言生者是得生者之情耳生苟無生生何所盡盡夫生者上失無爲能爲之身下齟齬亡三空不空之痼病反根敗永號振三千無反無復於斯招贊體大生理謂之淨土淨土之宅所謂十七句是也十七句中總別爲二初句是總相所謂是清淨佛土過三界道彼過三界有何相下十六種莊嚴功德成就相是也一者量究竟如虛空廣大無邊際故既知量此量以何爲本是故觀性性是本義彼淨土從正道大慈悲出世善根生既言出世善根此善根生何等相是故次觀莊嚴形相既知形相宜知形相何等體是故次觀種種事既知種種事宜知種種事妙色是故次觀妙色既知妙色此色有何觸是故次觀觸既知身觸應知眼觸是故次觀水地虛空莊嚴三事既知眼觸應知鼻觸是故次觀衣華香熏既知眼鼻等觸須知離染是故次觀佛慧明照既知慧光淨力宜知聲名遠近是故次觀梵聲遠聞既知聲名宜知誰爲增上是故次觀主既知有主誰爲主眷屬是故次觀眷屬既知眷屬宜知此眷屬若爲受用是故次觀受用既知

受用。宜知此受用有難無難。是故次觀無諸難。既知無諸難。以何義故無諸難。是故次觀大義門。既知大義門。宜知大義門滿不滿。是故次觀所求滿足復次此十七句。非但釋疑觀此十七種莊嚴成就。能生真實淨信。必定得生彼安樂佛土。問曰。上言知生無生。當是上品生者。若下下品人。乘十念往生。豈非取實生耶。但取實生。卽墮二執。一恐不得往生。二恐更生惑咎。譬喻淨摩尼珠。置之濁水。水卽清淨。若人雖有無量生死之罪。濁聞彼阿彌陀如來至極無生清淨寶珠名號。投之濁心念念之中。罪滅心淨。卽得往生。又是摩尼珠。以玄黃幣裹。投之於水。水卽玄黃。一如物色。彼清淨佛土。有阿彌陀如來無上寶珠。以無量莊嚴功德成就。帛裹。投之於所往生者心水。豈不能轉生見爲無生智乎。又加冰上燃火。火猛則冰解。冰解則火滅。彼下品人。雖不知法性無生。但以稱佛名力作往生意願。生彼土。彼土是無生界。見生之火。自然而滅。

△衆生體者。此分中有二重。一者觀佛。二者觀菩薩觀佛者。

云何觀佛莊嚴功德成就。觀佛莊嚴功德成就者。有八種相應知。

此觀義已彰前偈。

何等八種。一者莊嚴座功德成就。二者莊嚴身業功德成就。三者莊嚴口業功德成就。四者莊嚴心業功德成就。五者莊嚴大眾功德成就。六者莊嚴上首功德成就。七者莊嚴主功德成就。八者莊嚴不虛作住持功德成就。

何者莊嚴座功德成就。偈言無量大寶王微妙淨華臺故。

若欲觀座。當依觀無量壽經。

何者莊嚴身業功德成就。偈言相好光一尋色像超羣生故。

若欲觀佛身。當依觀無量壽經。

何者莊嚴口業功德成就。偈言如來微妙聲梵響聞十方故。

何者莊嚴心業功德成就。偈言同地水火風虛空無分別故。無分別者無分別心故。

凡夫衆生身口意三業。以造罪輪轉三界。無有窮已。是故諸佛菩薩莊嚴身口意。

三業用治衆生虛証二業也。云何用治衆生以身見故受三塗身卑賤身醜陋身八難身流轉身如是等衆生見阿彌陀如來相好光明身者如上種種身業繫縛皆得解脫人如來家畢竟得平等身業衆生以憒慢故誹謗正法毀譽賢聖捐庫尊長等者君父師也長者如是人應受拔舌苦瘡瘍苦言教不行苦無名聞苦如是等種種諸苦衆生聞阿彌陀如來至德名號說法音聲如上種種口業繫縛皆得解脫人如來家畢竟得平等口業衆生以邪見故心生分別若有若無若非若是若好若醜若善若惡若彼若此有如是等種種分別以分別故長淪二有受種種分別苦取捨苦長夜大夜無有出期是衆生若遇阿彌陀如來平等光照若聞阿彌陀如來平等意業是等衆生如上種種意業繫縛皆得解脫人如來家畢竟得平等意業問曰心是覺知相云何可得同地水火風無分別耶答曰心雖知相入實相則無知也譬如蛇性雖曲入竹筒則直又如人身若鍼刺若蜂螫反則有覺知若石蛭之一噉若甘刀割則無覺知如是等有知無知在於因緣若在因緣則非知非無知也問曰心入實相可令無知云何得有一切種智耶答曰凡心有知則有所不知聖心無知故無所不知無知而知知卽無知也問曰既言無知故無所不知若無所不知者豈不是知種種法耶既知種種之法復云何言無所分別耶答曰諸法種種相皆如幻化然幻化象馬非無長頸鼻首足異而智者觀之豈言定有象馬分別之耶

何者莊嚴大眾功德成就偈言天人不動衆清淨智海生故  
何者莊嚴上首功德成就偈言如須彌山王勝妙無過者故  
何者莊嚴主功德成就偈言天人丈夫衆恭敬繞瞻仰故  
何者莊嚴不虛作住持功德成就偈言觀佛本願力遇無空過者能令速滿足功德大寶海故

不虛作住持功德成就者蓋是阿彌陀如來本願力也今當略示虛作之相不能住持用顯彼不虛作住持之義人有較止貞餐養士或彙起舟中積金盈庫而

不免餓死。如斯之事觸目皆是。得非作得在非守在者由虛妄業作不能住持也。所言不虛作住持者依本法藏菩薩四十八願今日阿彌陀如來自在神力願以成力。以就願願不徒然。力不虛設。力願相符。畢竟不差。故曰成就。非作得二句是  
非常住非能持住卽見彼佛未證淨心菩薩畢竟得證平等法身與淨心菩薩與上地諸菩薩畢竟同得寂滅平等故。

平等法身者八地已上法性生身菩薩也寂滅平等者卽此法身菩薩所證寂滅平等之法也。以得此寂滅平等法故名爲平等法身。以平等法身菩薩所得故名爲寂滅平等法也。此菩薩得報生三昧。以三昧神力能一處一念一時徧十方世界種種供養一切諸佛及諸佛大會衆海能於無量世界無佛法僧處種種示現種種教化度脫一切衆生常作佛事初無往來想供養想度脫想是故此身名爲平等法身此法名爲寂滅平等法也。未證淨心菩薩者初地已上七地已還諸菩薩也。此菩薩亦能現身若百若干若萬若億若干千萬億無佛國土施作佛事要

須作心入三昧乃能非不作心以作心故名爲未得淨心。此菩薩願生安樂淨土。卽見阿彌陀佛。見阿彌陀佛時與上地諸菩薩畢竟身等法等龍樹菩薩婆薮槃頭菩薩輩願生彼者當爲此耳。問曰案十地經菩薩進趣階級漸有無量功德。經多劫數然後乃得此云何見阿彌陀佛時畢竟與上地諸菩薩身等法等耶。答曰言畢竟者未言卽等也。畢竟不失此等故言等耳。問曰若不卽等復何待言。菩薩但登初地以漸增進自然當與佛等何假言與上地菩薩等。答曰菩薩於七地中得大寂滅上不見諸佛可求下不見衆生可度欲捨佛道證於實際爾時若不得十方諸佛神力加勸卽便滅度與一乘無異菩薩若往生安樂見阿彌陀佛卽無此難。是故須言畢竟平等。復次無量壽經中阿彌陀如來本願言設我得佛他方佛土諸菩薩衆來生我國究竟必至一生補處除其本願自在所化爲衆生故被弘誓鑑積累德本度脫一切遊諸佛國修菩薩行供養十方諸佛如來開化恆沙無量衆生使立無上正真之道超出常倫諸地之行現前修習普賢之德若不爾

者不取正覺案此經推彼國菩薩或可不從一地至一地言十地階次者是釋迦如來於閻浮提一應化道耳他方淨土何必如此五種不可思議中佛法最不可思議若言菩薩必從一地至一地無超越之理未敢詳也譬如樹名曰好堅是樹地生百歲乃具一日長高百丈日日如此計百歲之長豈類修松耶見松生長日不過寸聞彼好堅何能不疑卽同有人聞釋迦如來證羅漢於一驟制無生於終朝謂是接誘之言非稱實之說聞此論事亦當不信夫非常之言不入常人之耳謂之不然亦其宜也

略說八句示現如來自利利他功德莊嚴次第成就應知

此云何次第前十七句是莊嚴國土功德成就既知國土相應知國土之主是故次觀佛莊嚴功德彼佛若爲莊嚴於何處坐是故先觀座既知座已宜知座主是故次觀佛莊嚴身業既知身業應知有何聲名是故次觀佛莊嚴口業既知名聞宜知得名所以是故次觀莊嚴心業既知三業具足應爲人天大師堪受化者是

誰是故次觀大衆功德既知大衆有無量功德宜知上首者誰是故次觀上首上首是佛既知上首恐同長幼是故次觀王既知是王主有何增上是故次觀莊嚴不虛作住持八句次第成已

#### △觀菩薩者。

云何觀察菩薩莊嚴功德成就觀察菩薩莊嚴功德成就者觀彼菩薩有四種正修行功德成就應知

真如是諸法正體體如而行則是不行不行而行名如實修行體唯一如而義分爲四是故四行以一正統之

何者爲四一者於一佛土身不動搖而徧十方種種應化如實修行常作佛事偈言安樂國清淨常轉無垢輪化佛菩薩日如須彌住持故開諸衆生淤泥華故

八地已上菩薩常在三昧以三昧力身不動本處而能徧至十方供養諸佛教化衆生無垢輪者佛地功德也佛地功德無習氣煩惱垢佛爲諸菩薩常轉此法輪

諸大菩薩亦能以此法輪開導一切無暫時休息故言常轉法身如日而應化身光徧諸世界也言日未足以明不動復言如須彌住持也淤泥華者經言高原陸地不生蓮華卑溼淤泥乃生蓮華此喻凡夫在煩惱泥中爲菩薩開導能生佛正覺華諒大紹隆三寶常使不絕。

一者彼應化身一切时不前不後一心一念放大光明悉能徧至十方世界教化衆生種種方便修行所作滅除一切衆生苦故偈言無垢莊嚴光一念及一時普照諸佛會利益諸羣生故。

上言不動而至容或至有前後是故復言一念一時無前後也。

三者彼於一切世界無餘照諸佛會大衆無餘廣大無量供養恭敬讚歎諸佛如來功德偈言兩天樂華衣妙香等供養讚諸佛功德無有分別心故。

無餘者明徧至一切世界一切諸佛大會無有一世界一佛會不至也肇公言法身無像而殊形並應至報無言而文籍彌布冥權無謀而動與事會蓋斯意也。

四者彼於十方一切世界無三寶處住持莊嚴佛法僧寶功德大海徧示令解如實修行偈言何等世界無佛法功德寶我願普往生示佛法如佛故。

上二句雖言徧至皆是有佛國土若無此句便是法身有所不法上善有所不善觀行體相竟。

△已下是解義中第四重名爲淨人願心淨人願心者。

又向說觀察莊嚴佛土功德成就莊嚴佛功德成就莊嚴菩薩功德成就此三種成就願心莊嚴應知。

應知者應知此三種莊嚴成就由本四十八願等清淨願心之所莊嚴因淨故果淨非無因他因有也。

略說入一法句故。

上國土莊嚴十七句如來莊嚴八句菩薩莊嚴四句爲廣入一法句爲略何故示現廣略相入諸佛菩薩有二種法身一者法性法身二者方便法身由法性法身

生方便法身由方便法身出法性法身此二法身果而不可分一而不可同是故廣略相入統以法名菩薩若不知廣略相入則不能自利利他

一法句者謂清淨句清淨句者謂真實智慧無爲法身故

此二句展轉相入依何義名之爲法以清淨故依何義名爲清淨以真實智慧無爲法身故真實智慧者實相智慧也實相無相故真實無知也無爲法身者法性身也法性寂滅故法身無相也無相故能無不相是故相好莊嚴卽法身也無知故能無不知是故一切種智卽真實智慧也以真實而曰智慧明智慧非作非作也以無爲而標法身明法身非色非色也非於非者豈非非之能是乎蓋無非之曰是也自是無待夫非是也非是非百非之所不喻是故言清淨句清淨句者謂真實智慧無爲法身也

此清淨有二種應知

上轉入句中通一法入清淨通清淨入法身今將別清淨出二種故故言應知

何等二種一者器世間清淨二者衆生世間清淨器世間清淨者如向說十七種莊嚴佛土功德成就是名器世間清淨衆生世間清淨者如向說八種莊嚴佛功德成就四種莊嚴菩薩功德成就是名衆生世間清淨如是一法句攝二種清淨義應知夫衆生爲別報之體國土爲共報之用體用不一所以應知然諸法心成無餘境界衆生及器復不得異不得一不一則義分不異同清淨器者用也謂彼淨土是彼清淨衆生之所受用故名爲器如淨食用不淨器以器不淨故食亦不淨不淨食用淨器食不淨故器亦不淨要二俱潔乃得稱淨是以一清淨名必攝二種問曰言衆生清淨則是佛與菩薩彼諸人天得入此清淨數否答曰得名清淨非實清淨譬如出家聖人以殺煩惱賊故名爲比丘凡夫出家者持戒破戒皆名比丘又如灌頂王子初生之時具二十二相七寶卽爲所屬雖未能爲轉輪王事亦名轉輪王以其必爲轉輪王故彼諸人天亦復如是皆入大乘正定之聚畢竟當得清淨法身以當得故得名清淨

## △善巧攝化者。

如是菩薩奢摩他毗婆舍那廣略修行成就柔軟心。

柔軟心者謂廣略止觀相順修行成不一心也譬如以水取影清淨相資而成就也。

## 如實知廣略諸法。

如實知者如實相而知也廣中二十九句略中一句莫非實相也。

## 如是成就巧方便迴向。

如是者如前後廣略皆實相也以知實相故則知三界衆生虛妄相也知衆生虛妄則生真實慈悲也知真實法身則起真實歸依也慈悲之與歸依巧方便在下何者菩薩巧方便迴向菩薩巧方便迴向者謂說禮拜等五種修行所集一切功德善根不求自身住持之樂欲拔一切衆生苦故作願攝取一切衆生共同生彼安樂佛國是名菩薩巧方便迴向成就。

案王舍城所說無量壽經二輩生中雖行有優劣要不皆發無上菩提之心此無上菩提心即是願作佛心願作佛心即是度衆生心度衆生心即攝取衆生生淨佛國土心是故願生彼安樂淨土者要發無上菩提心也若人不發無上菩提心但聞彼國土受樂無間爲樂故願生亦當不得往生也是故言不求自身住持之樂欲拔一切衆生苦故住持樂者謂彼安樂淨土爲阿彌陀如來本願力之所住持受樂無間也凡釋迴向名義謂以己所集一切功德施與一切衆生共向佛道巧方便者謂菩薩願以己智慧火燒一切衆生煩惱草木若有一衆生不成佛我不作佛而衆生未盡成佛菩薩已自成佛譬如火標<sub>反覆</sub>念欲摘驟歷一切草木燒令使盡草木未盡火標已盡以後其身而身先故名巧方便此中言方便者謂作願攝取一切衆生共同生彼安樂佛國彼佛國即是畢竟成佛道路無上方便也。

## △離菩提障者。

菩薩如是善知迴向成就即能遠離二種菩提門相違法何等二種一者依智慧門

不求自樂遠離我心貪著自身故。

知進守退曰智知空無我曰慧依智故不求自樂。依慧故遠離我心貪著自身。  
一者依慈悲門拔一切衆生苦遠離無安衆生心故。

拔苦曰慈與樂曰悲依慈故拔一切衆生苦依悲故遠離無安衆生心。  
二者依方便門憐愍一切衆生心遠離供養恭敬自身心故。

正直曰方外己曰便依正直故生憐愍一切衆生心依外己故遠離供養恭敬自身心。

是名遠離二種菩提門相違法。

△順菩提門者。

菩薩遠離如是二種菩提門相違法得二種隨順菩提門法滿足故何等二種。一者無染清淨心以不爲自身求諸樂故。

菩提是無染清淨處若爲身求樂卽違菩提是故無染清淨心是順菩提門。

一者安清淨心以拔一切衆生苦故。

菩提是安隱一切衆生清淨處若不作心拔一切衆生離生死苦卽便違菩提是故拔一切衆生苦是順菩提門。

二者樂清淨心以令一切衆生得大菩提故以攝取衆生生彼國土故。

菩提是畢竟常樂處若不令一切衆生得畢竟常樂則違菩提此畢竟常樂依何而得依大乘門。大乘門者謂彼安樂佛國土是也是故又言以攝取衆生生彼國土故。

是名二種隨順菩提門法滿足應知。

△名義攝對者。

向說智慧慈悲方便二種門攝取般若般若攝取方便應知。

般若者達如之慧名方便者通權之智稱達如則心行寂滅通權則僥省衆機省機之智備應而無知寂滅之慧亦無知而備省然則智慧方便相緣而動相緣而

靜動不失靜智慧之功也。靜不廢動方便之力也。是故智慧慈悲方便攝取般若。般若攝取方便應知者。謂應知智慧方便是菩薩父母。若不依智慧方便菩薩法。則不成就。何以故。若無智慧爲衆生時。則墮顛倒。若無方便觀法性時。則證實際。是故應知。

向說遠離我心不食者自身遠離無安衆生心遠離自供養恭敬自身心。此二種遠離障菩提心應知。

諸法各有障礙。相如風能障靜。土能障水。溼能障火。五黑十惡障人天。四顛倒障聲聞果。此中二種不遠離障菩提心應知者。若欲得無障當遠離此二種障礙也。向說無染清淨心。安清淨心。樂清淨心。此三種心。略一處成就妙樂勝真心應知。樂有二種。一者外樂。謂五識所生樂。二者內樂。謂初禪二禪三禪意識所生樂。二者法樂。反角樂。魯各謂智慧所生樂。此智慧所生樂從愛佛功德起。是遠離我心遠離無安衆生心遠離自供養心。是三種心清淨增進。略爲妙樂勝真心。妙言其

好。以此樂緣佛生。故勝言勝出三界中。樂真言不虛爲不顛倒。

#### △願事成就者

如是菩薩智慧心。方便心。無障心。勝真心。能生清淨佛國土。應知。應知者。謂應知此四種清淨功德。能得生彼清淨佛國土。非是他緣而生也。是名菩薩摩訶薩隨順五種法門所作隨意自在成就。如向所說身業口業意業智業方便智業隨順法門故。

隨意自在者。言此五種功德力。能生清淨佛土。出沒自在也。身業者。禮拜也。口業者。讚歎也。意業者。作願也。智業者。觀察也。方便智業者。迴向也。言此五種業和合。則是隨順往生淨土法門自在業成就。

#### △利行滿足者

復有五種門。漸次成就五種功德。應知何者五門。一者近門。二者大會衆門。三者宅門。四者屋門。五者園林遊戲地門。

此五種示現入出次第相人相中初至淨土是近相謂入大乘正定聚近阿耨多羅三藐三菩提入淨土已便入如來大會衆數人衆數已當至修行安心之宅入宅已當至修行所居屋宇尤舉修行成就已當至教化地教化地卽是菩薩自娛樂地是故出門稱園林遊戲地門。

此五種門初四種門成就入功德第五門成就出功德。

此人出功德門何者是釋言。

入第一門者以禮拜阿彌陀佛爲生彼國故得生安樂世界是名人第一門。

禮佛願生佛國是初功德相。

入第二門者以讚歎阿彌陀佛隨順名義稱如來名依如來光明智相修行故得入大會衆數是名人第二門。

依如來名義讚歎是第二功德相。

入第三門者以一心專念作願生彼修奢摩他寂靜三昧行故得入蓮華藏世界是

名人第三門。

爲修寂靜止故一心願生彼國是第二功德相。

入第四門者以專念觀察彼妙莊嚴修毗婆舍那故得到彼處受用種種法味樂是名人第四門。

種種法味樂者毗婆舍那中有觀佛國土清淨味攝受衆生大乘味畢竟住持不虛作味類事起行願取佛土味有如是等無量莊嚴佛道味故言種種是第四功德相。

出第五門者以大慈悲觀察一切苦惱衆生示應化身迴入生死園煩惱林中遊戲神通至教化地以本願力迴向故是名出第五門。

示應化身者如法華經普門示現之類也遊戲有二義一者自在義菩薩度衆生譬如師子搏鹿所爲不難如似遊戲二者度無所度義菩薩觀衆生畢竟無所有雖度無量衆生而實無一衆生得滅度者示度衆生如似遊戲言本願力者示大

菩薩於法身中常在三昧而現種種身種種神通種種說法。皆以本願力起譬如阿修羅參雖無教者而言曲自然是名教化地第五功德相。

菩薩入四種門自利行成就應知。

成就者謂自利滿足也應知者謂應知由自利故則能利他非是不能自利而能利他也。

菩薩出第五門迴向利益他行成就應知。

成就者謂以迴向因證教化地果若因若果無有一事不能利他應知者謂應知由利他故則能自利非是不能利他而能自利也。

菩薩如是修五門行自利利他速得成就阿耨多羅二藐二菩提故。

佛所得法名爲阿耨多羅二藐二菩提以得此菩提故名爲佛今言速得阿耨多羅二藐二菩提是得早作佛也。阿名無耨多羅名上二藐名正二名偏菩提名道統而譯之名爲無上正偏道無上者言此道窮理盡性更無過者何以言之以正

故正者聖智也。如法相而知故稱爲正智。法性無相故聖智無知也。偏有一種一者聖心偏知一切法。二者法身偏滿法界。若身若心無不偏也。道者無礙道也。經言十方無礙人一道出生死一道者一無礙道也。無礙者謂知生死卽是涅槃。如是等人不二法門無礙相也。問曰有何因緣言速得成就阿耨多羅二藐二菩提。答曰論言修五門行以自利利他成就故然覈求其本阿彌陀如來爲增上緣。他利之與利他談有左右若自佛而言宜言利他自衆生而言宜言他利。今將談佛力是故以利他言之當知此意也。凡是生彼淨土及彼菩薩人天所起諸行皆緣阿彌陀如來本願力故何以言之。若非佛力四十八願便是徒設今的取三願用證義意願言設我得佛十方衆生至心信樂欲生我國乃至十念若不得生者不取正覺。唯除五逆詐謗正法緣佛願力故十念念佛便得往生得往生故卽免三界輪轉之事無輪轉故所以得遠一證也。願言設我得佛國中人天不住正定聚必至滅度者不取正覺緣佛願力故住正定聚住正定聚故必至滅度無諸迴復。

之難。所以得速二證也。願言設我得佛。他方佛土諸菩薩衆來生我國。究竟必至一生補處。除其本願自在所化爲衆生故。被弘誓鑑積累德本度脫一切遊諸佛國修菩薩行。供養十方諸佛如來。開化恆沙無量衆生。使立無上正真之道。超出常倫諸地之行。現前修習普賢之德。若不爾者。不取正覺。緣佛願力。故超出常倫諸地之行。現前修習普賢之德。以超出常倫諸地行故。所以得速二證也。以斯而推。他力爲增上緣。得不然乎。當復引例示自力他力相。如人畏三途。故受持禁戒。受持禁戒。故能修禪定。以禪定故。修習神通。以神通故。能遊四天下。如是等名爲自力。又如劣夫跨驢不上。從轉輪王行。便乘虛空遊四天下。無所障礙。如是等名爲他力。愚哉後之學者。聞他力可乘。當生信心。勿自局分也。

無量壽修多羅優婆提舍願生偈略解義竟。

經始稱如是彰信爲能入。末言奉行衣服膺事已。論初歸禮明宗旨。有由終云義竟。示所詮理畢。述作人殊於茲成例。